

Nunavut Tunngavikkut Timingat

ILIHAQPAALLIRIAQTUT IKAYUUTIGHAINUT MALIGAGHAI

Angiqtauhimayuq Katimayinit October __, 2017-mi

1. HUGHAUYUT

Una maligaghaliuqtauhimayuq maliguaqttaghat aullaqtittiyut ilihaqpaalliqvingnit ikayuutinik malighugit maligaghaliuqtauhimayut Nunavut Tunngavikkut Timinganit (“Tunngavikkut”).

2. TITIRALIQIYUT

Ilihaqpaalliqqtut Ikayuutighait munaqtauniaqtuq Tunngavikkunnit havaqatigilugit taapkua Nunavut Tunngavikkut Timingat (NTI-kut) Havakviat taapkua Inuit Ikayuutait (“Havavik”). Angayughiq Aullaqtitainut Titiraliqiyi (“Titiraqtii”) havaktuq Havavikingnit aullaqtitainut atannguyauniaqtuq.

3. AULAPKAQTITAINUT ILAUYUMAYUNUT

3.1 Aulapkaqtitainut Uuktuqtughat

Tamangnik Inuit atiliqtauhimayut talvani Nunavut Angirutainit uuktuinnarialgit ilihaqpaalliqqtut ikayuutainut. Qanuq ukiuqaraluaqtut uuktuinnarialgit.

Manighaqtitauuyut ikayuutinik uuktuinnarialgittauq aippaagunnguqqat taapkua pitquyauhimayut huli malittiaqhimagumik.

Manighaqtitauhimayut aturlungnirumiuk maniit, ihuinaaqhimagumiklu Tunngavikkunnut ihuinaaqhimagumiuk Tunngavikkut imalauniit naunaitkutanik pitquyauhimayunik tunihiyuitkumik taapkununnga ukiunut kinguanit.

3.2 Aallatqijingniit Ilihaqpaalliqqtut Ikayuutighait, Aullaqtitaghanut Tughirainnarialgit Manighallu

Tunngavikkut hapkuninnga ikayuutinik aittuqhivangniat ukiuq tamaat (January 1-mit December 31-mut):

- (a) Tunngavikkut Ikayuutait Ilihaqpaalliriaqtunut (“Tunngavikkut Ilihaqpaalliqqtut Ikayuutait”)

\$2,500-taalamik ilihaqtut tamaat naallugit 200-nut ilihaqpaalliqtughanut-parnaiyunut¹ titiraniktitaghanit/naunaitkutaniktunut ilihaqpaalliqtunut, 7-nik tatqiqhiutinik kinguanilu aulayughamik, talvani ilitariyauyumi ilihaqpaalliqvingmi taimaa ilihaqpaalliqvitut (taapkualu ilihaqpaalliqtaaqhimayut-havaktitauuyut/maligaliqiniqmiklu ilihaqtut akiliqtaghainut)

¹ Ihumagipluginit Katimayiit unipkaangit. Aippaa ikayuutighat \$1,000-taalaayuq 500-nut ilihaqpaalliqtunut, taimaa amigaitqiyauniat ilihaqpaalliqqtut ikayuqtauyut hapkuninnga ikayuutinit.

(b) Tunngavikkut Ikayuutait Ayuitamingnut Havaaghaqhiuqpaalliqtuniklu Hivumuupaaallirahuat ("Tunngavikkut Hivumuupaaallirahuat Ikayuutit")

\$1,000-taalamik tamangnut ilihaqpaalliqtunut 250-ngulutik ilihaqpaalliqtut ilitariyauymi ilihaqtiauyunik hanayighanik/havakviinik ayuiqhaqpaalliqtunut hivituyumik tatqiqhiutimik atahuqmiqk avatquanikluuniit (hanayighatut, G.R.E.A.T,qanuqlu) (taapkuatut, A.B.E, P.A.S.S. G.E.D, Foundation Year, qanuqlu).

3.3 Akiliqtaunginnarialgit Akighait

Manighait ikayuutit hapkununnga akiliqtuutiinnarialgit:

- a) Ilihaqpaalliqtaghanut,
- b) Hunavalungnut akighait,
- c) Makpiraanut, hunaqutinut ilihaqpaalliqtainullu hunaqutiinut,
- d) Aullaarutainut hiniktarvingnullu,
- e) Ihariagiayainut, nutaqqiqiyinullu niqinullu, taapkununngalu
- f) Ilihaqpaalliqtum atugainut.

4. TUGHIRAQTUT HAVAUHIIT

4.1 Tughirautinik Tunihivighaat

Tunihivighaat tughirautinik Ilihaqpaalliqtut Ikayuutighainut July-1-nguyuq August 31-mut ukiuq tamaat (January 1-mit December 31-mut), taimaa "hivulliuyunik, ikayuqqaapangniat" ikayuqhiyut. Tughirautit ihumagiayayut taimaa titirattaqhimayutut iniqhimayutut Titiraqtimit kinguani hanaqiyauyughat ahinut turaaqtuaqtaqtuq. Taamna titiraqtii Havakviat angmaumapkailaaqtut hivituhilugu tunihivighait tughirautinik iharianaqqat naammagiyaukpallu.

Atuliqqaat 2018, tughirautit piyauliqniaqtut 8:30-mi uplaami havakvilihaaqmi January-mi.

4.2 Tughirautinut Uiguat Titiqqaat

Tughirautit titiraqhimayughat titiraaghahit, hapkuninnga naunaitkutanik iliqahiutilaaqtut:

- a) Atia tughiraqtum NTI-kunnillu Atiliqhimaniagut Piannaat nappaa;
- b) Titiraqaqvia naunaitkutaillu tughiraqtum;
- c) Atia ilihaqpaalliqvia/ilihaqpaalliqtaghat/ilihaqttaghaat naunaitkutaniklu ilihariaqattarmink (taapkuatut titiraaghahimik atiliqhimaniqmut imaaluu/uniit titiraqtinik ilihaqhimayarnik hivuanit);
- d) Piannautaa Nappaa tughiraqtum akiliqtaghanut income tax-mut naunaitkutaghat; taapkuninngalu
- e) Ahiniklu ihuaqtunik naunaitkutanik taamna Titiraqtii apiqhuutigivangniaqtaanik qakugunnguraangat.

Tughirautit tuniinnarialgit qaritauyakkut, kayumiktukkut, Qaritauyakkut Titirakkut tigumiaqluguluuniit NTI-kut havakviinut Nunallaqmiullu Kivgaqtii Havakviinut.

5. TIKKUAQHIYUT AKIHAQ TUQ TULLU

5.1 Titiraqtii

Taamna titiraqtit illituqhitiniaqqait tamangnik tughiraqtut tunilugillu tughirautait talvunga
Tikkuaqhiyit Katimayiralaanginut.

Tikkuaqhiyit Katimayiralaangit ihivriuqhitaarumik angiqhigumiklu tughirautinik, taamna Titiraqtit
titirakkut illituqhitiniaqtat tughiraqtut angiqtauhimanianik, akiliqtauqulugit tughiraqtut.
Angiqtauhimayunut tughiraqtunut, manighaqtitaauniat malruulutik akiliqtauyaghait: atauhq
akiliqtauluni October 30-nguqtinnagu aippalu January 31-nguqtinnagu ukiumi aippaani.

Taamna Titiraqtit titiraqniaqqaillu taapkua angiqtauhimaittut, iliqahiutilutik naunaitkutanik
pilaarutainik akihaqtuqtut.

5.2 Tikkuaqhiyut Katimayiralaangit

Tikkuaqhiyit Katimayiralaat aullaqtitaunahuat katimayiqarlutik tikkuaqtauhimayunik
Tunngavikkunnit. Taapkua Katimayiralaat katimavangniat qakugunnguraangat ihivriuqlugit
angiqlugillu tughirautit hapkua Maligaghat malighugit. Tikkuaqhiyit Katimayiralaangit ahinik
naunaitkutanik apiriinnarialgit tughiraqtumit.

5.3 Akihaqtuqtut

Akihaqtuqtut Katimayiralaangit aullaqtitaunahuat katimayiqarlutik tikkuaqtauhimayunik
Tunngavikkunnit. Taapkua Katimayiralaat katimavangniat qakugunnguraangat ihivriuqlugit
akihaqtuqtauyut. Tamangnik ihumaliugait Katimayiralaat kingulliqpaanguniaqtut.

6. MUNAQTAUYUT

Manighaqtitauuyut ahinik naunaitkutanik tuniquyauniaqtut taapkuninnga naunaitkutanik
ilihaqpaalliqtainik/ilihaqtaghanik titiraqhimayut tughirautinit. Iniqhiyuitkumik
ilihaqpaalliqtainik/ilihaqtaghanik naunaiqhitiyuitkumiklu tughiqtauyutut maniit taapkua ilainnaanik
tamangnikluuniit utiqtitauquyauniaqtuq uqauhiagut Titiraqtim.

7. HUNANUT

7.1 Tuhaqtittiniqmut Parnaiyautit

Naatkutigiiktukkut ihuaqtukkullu ilitturipkainahuaqhutik tamangnik Nunavunmiunik Inungnik
nunaqaqtut ahiniittuniklu Nunavunmit, Tunngavikkut illituqhivangniaqtat Ilihaqpaalliqqtut
Ikayuutainik qanukiaq nunallaqaqnit havakvingnilu Nunavunmiut Inuit nayugainit. Qulaani
titiraqhimayunit iliqahiutilaaqtut taapkuninnga NTI-kut makpiraangit tuhaayaghaillu, naunaitkutat
titiraangit, qaritauyakkut, Facebook Makpiraangit naalautikkullu.

7.2 Inuit Naunaitkutait Ilitturipkainiqlu

Naunaitkutaita tughiraqtut aittuqtauhimayut maningnik naallugillu aittuqtauhimayut (atiitalu
tughiraqtut) takughaulaaqtut NTI-kut Tunngavikkulluuniit Qaritauyakkurutainit ahinilu
makpiraanit. Kihimi naunaitkutait (taapkuatit titiraqaqviit ahiillu naunaitkutait inuit)
ilitturinnaqtialaittut tuniyaulaittulu inungnut. Naunaitkutaqarniat tamangnit tughiraqtunit
manighaqtitauhimayut ikayuutikkut Maligaghaliuqhmayukkut hapkunani pihimayauniaqtullu
hivunighami naunaitkutaghat.

7.3 Qakugunnguraangat Ihivriuqhiniat

Aullaqtiauhimayut hapkua ihivriuqtauniaqtut malruk (2) ukiut naattaraangat ihumaliugaigut Katimayiit.